

# **Badische Landesbibliothek Karlsruhe**

## **Digitale Sammlung der Badischen Landesbibliothek Karlsruhe**

**Meditationum evangelicarum pars secunda, hoc est:  
Solida, ad descendam & exercendam, ex evangeliis tam  
dominicalibus quam festivalibus Christi & sui-ipsius  
notitiam, informatio**

**Creide, Hartmann**

**Francofurti ad Moenum, 1682**

De secundo

[urn:nbn:de:bsz:31-126164](#)

matri sollicitanti se, repulsam dedit, & his verbis ipsi se excusavit: An nescitis, quid in his, quæ patris mei sunt, oportet me esse, Luc.2.v.49.

In genere vero non patrem modo, sed & omnia terrena relinquere debemus, si veritas Evangelii in periculo verletur. Quid enim prodebet homini, &c. Matth.16.26.

Id fecit Julita nobili genere nata: cum enim urgeretur, ut aut fidem Christianam abnegaret, aut omnes opes suas relinquaret, ex tempore illa consilium capiens ajebat: Valeat vita, pereat pecunia, famula Christi sum.

Nos similiter affecti, non quæ super terram sunt, quæramus, sed quæ sursum sunt, Col.3.2. Qui hoc fecerit, optimam partem elegit, quæ non auferetur ab eo, Luc.10.ult.

### De Secundo.

D Igrediemur nunc ad alteram partem, X̄ριστων ταῦ , sive notitiam Christi contemplaturi. Hic nobis commendatur:

I. T anquam opificum amator. Hic audi-  
mus, quod pescatores recipit, eosq; ad A-  
postolatum vocat. Quod profecto non fe-  
cisset, nisi in statu sibi probato, vixissent.

Sic etiam opifices ipse instruxit arte, quā profitentur, quia omnium artifex est, Sap.7.v.21. sicut de Beseleel & Oholiab legitur, quod Deus eos impleverit spiritu sapientia & intelligentia & scientia in omni opere, ad excogitandum, quicquid fabrefieri potest ex auro, & argento, & are; marmore & gemmis, Exod.31.3. De fabro dicit Deus: Ecce ego creavi fabrum, Esa.54.16.

Hinc scriptura variorum opificiorum & vitæ institutorum meminit, quibus sancti Patriarchæ operam navarunt. Abel fuit pa-  
stor ovium, & Cain agricola, Gen.4.2. Ju-

bal pater canentium cithara & organo. Thubalkain ludens omne opus æris & ferri, Gen.4.21.22. Nemrod venator, Gen.10.9. Ismaël sagittarius, Gen.21.21. Esau gnarus venandi & agricola, Gen.25.27.

Textorum & figurorum mentio injici-  
tur, 1. Paral.4.21. Siracides architectorum,  
sculptorum, calatorum, fabrorum ferrario-  
rum honorifice meminit, c.35,26. & seqq.

Ipse Josephus pater Christi putativus fa-  
ber fuit lignarius, Luc.3.23. & Christus ei  
adjuvator fuit, unde propterea non modo fi-  
lius fabri, Matth.13 v.55 sed & faber appellat-  
latur, Marc.6.v.3.

Hoc igitur Mechanicis & Opificibus  
magno solatio esse potest, primoratione vi-  
etus, quem sibi commodè parare possunt.  
Artem enim quævis alit terra, nec facilè au-  
torem suum perire sinit. Labores manuum  
tuarum manducabis; Beatus es, & bene tibi  
erit, Psal.128.v.2. Deinde ratione functionis,  
in quā vivunt, quæ Deo pergrata est. Deus  
enim dona sua variè distribuit, quorum  
nos dispensatores sumus, 1. Petr.4.v.20.  
nec Deus personarum acceptor est, Act.  
10.v.34. nec cognoscit divitem coram pau-  
pere, opus enim manuum suarum sunt uni-  
versi, Joh.34.19. In Apologia A.C. mentio-  
fit tutoris Alexandrinī, qui nihil aliud fecit,  
quam quod opificio, orationi, & cultui di-  
vino invigilavit, & tamen Anachoretæ An-  
tonio, qui duram vitam egit, longè præla-  
tus est. Sic pii Mechanici hoc solatio fruuntur,  
quodsi in vocatione suâ seduli sint, &  
ante omnia Deo cultum suum præsentent,  
quod Deo magis placeant, quam Monachi  
& Moniales, in Ordine suo rigorosissimo,  
quo scipios onerarunt. Mandatis enim ho-  
minum frustra Deus colitur, Matth.15.9.  
mundus autem est, cuius rectum est opus,  
Prov.21. v. 8.

Qui-

Quilibet vero det operam, ut quod utile est, discat. Præstigiatores enim, saltatores, pugiles, funambuli, & ejus farinæ homines, vocatione legitima destituuntur, ambulant enim atque & curiose agunt, 2. Thess. 3. v. 11. ideo abstineamus ab iis, & potius quæ honesta sunt, exerceamus. Qui enim amat periculum, peribit in eo, Sir. 3. v. 27.

Videat quoque ut ita artem suam discat, ut gnarus illam cum fructu exercere possit. Magister enim facit unumquodque, qui autem locat stulto, locat illud superficiario, Prov. 26. v. 10.

Tertio caveat, ne vestigiis Alexandri ærarii insitiat, de quo Paulus queritur, quod sibi multa mala ostenderit, 2. Tim. 4. v. 14. Sive Demetrii argentarii, qui ædes argenteas Diana fecit, & ita lucri causa idolatriam promovit Act. 19. v. 24. Hoc minime Deo placet. Qui enim non mecum est, contra me est, ait Servator, Luc. 11. v. 23.

II. *Tanquam partuorum Magnificator.* Non sine causa memorat hic Evangelista, quid Andreæ, ejusque fratrī Simonis Petri, nec non filiorum Zebedæi opus fuerit, antequam eos Christus in scholam suam, & ad Apostolatum vocaverit, nempe piſcatores fuerunt, simplices & abjecti operarii, attamen res magnas gesserunt, Evangeliumque de Iesu Nazareno, tanto cum successu prædicarunt, ut portæ inferorum adversus illud non prævalere potuerint, Matt. 16. v. 18. Id opus Dei fuit, hinc Paulus: Habeimus thesaurum istum in vasis fictilibus, 2. Cor. 4. v. 7.

Si Christus nostro consilio usus fuisset, sine dubio ipſi consuluissemus, ut ex Collegio Pharisæorum, aut Synedrio Hierosolymitanō eruditione & autoritate præstantes sibi elegisset, & ad hoc opus adhibuisset: sed

& hic locum habet illud Propheta: Non cogitationes meæ, cogitationes vestræ, Es. 55. //

Hoc ipso enim quod Christus abjectis pescatoribus ad Apostolatum usus est, sapientes hujus mundi confundere voluit, qui plerumque plus respiciunt externum splendorem, quam Spiritus Sancti dona, his ipsis miranda efficit, sumit pescatorem, & convertit Imperatorem, Augustino afferente, virtus enim ejus in infirmitate perficitur, 2. Cor. 12. 9.

Id semper in familiari usu habuit.

*Virga Moys, lignum vile & inanime erat,* & tamen illa magna miracula patravit: divisit enim mare, ut Israelitis transitum præbuerit, Exod. 14. v. 21. tum & petram, ut egressx fuerint aquæ largissimæ, quo populus biberet & jumenta, Num. 20. v. 11.

Abjecta res videbatur sanguis agni paschalidis, & tamen medium erat, quo primo genitura Israelitarum à percussore præservabatur, cum superliminare & utrumque postem eo aspersissent, Exod. 12. v. 23.

Spretissima videbatur expeditio Gideonis, quod ille viris trecentis Midianitis se opponere vellet, qui multis millibus instructi erant: ridicula armatura, quam contra illos ferebat: & tamen hoc modo victoriam reportavit, Jud. 7. v. 16. seqq.

Sic viles videbantur buccina Israelitarum tempore Josuæ, & tamen clangore earundem muri civitatis Jericho subruti sunt, Joh. 6. v. 16.

Vilissima videbatur aqua Jordani, quipſa tamen Naeman postquam septies se lavit, à lepra liberatus est, 2. Reg. 5. v. 10.

Quid spectas in baptismo? quid in S. cœna? ibi, nil nisi aquam, hic nil nisi panem & vinum. Et tamen magna per illa Deus operatur, aqua in baptismo nos salvos facit,

1. Pet. 3.v. 22. in cena vero Christus cum pane & vino, corpus & sanguinem suum exhibet, ut remissionem peccatorum habeamus & cum eo aeternum vivamus, Joh. 6. v. 51. Sic quando adhuc hodie Deus vile nobis medium ostendit, quo juvari possumus, non id contemni debet, potens enim est facere superabundanter, quam petimus, aut intelligimus, Eph. 2.v. 20.

Imprimis vero Concionatores juniores non refragari debent, quando ad ministrorum vocantur, sicut Moses, Exod. 4.v. 10. & Jeremias, c. 1.v. 6. fecerunt, sed prompte obsequantur. Quem enim Deus mittit, ideoneum quoque facit ministrum N. T. 2. Cor. 3.v. 6. Esa. 28. v. ult.

III. *Tanquam spiritualis piscaturæ fundator.* Propterea ait hic ad Petrum & Andréam: Venite post me, & faciam vos pescatores hominum. Hoc elegans simile est, quod S. Ministerio non incongrue applicari potest, quando spectamus:

1. *Piscis.* Quorum variae species sunt.

1. *Immania cetæ,* qui ingentem aquarum copiam evomunt, quæ naves operiunt, tantoque rictu prædicti sunt, ut hominem vivum deglutiunt, Jon. 1.v. ult.

His depinguntur, tyranni & persecutores Ecclesiæ, quorum vox est: Venite, & disperdamus eos, ne sint gens, & non memoretur nomen Israel ultra, Psal. 83, 5.

2. *Inveniuntur lupi oraces,* hi sunt avari, qui conjungunt domum ad domum, & agrum agro copulant, Esa. 5.v. 8. ut sint viduae præda eorum, Esa. 10.v. 2.

3. *Peculiaris piscis* est, nomine *polypus*, qui in omnes formas se mutare, & colore loci, ubi est, induere potest. Hi assentatores sunt, quorum symbolum est, ait quis, ajo-

negat, nego. Cum sanctis sancti, cum perverbis perversi sunt, Psal. 18, 26.

4. *In mari pisces Torpedo* invenitur, qui pescatorum membra adeo enervat, ut pescaturam intermittere cogantur. Per hos pravorum sodalitium significatur. Ab impiis enim egreditur impietas, 1. Sam. 24, 14. Sir. 13. v. 1.

5. *Lubrici pisces* sunt ut *anguilla*, qui prehensi per manus elabuntur: hi voluptuarii sunt, qui terrena sapiunt, Phil. 3.v. 16. ut dives epulo, Luc. 16.v. 19. Psal. 73.v. 18.

6. *Nonnulli capti, ex rebus resilunt.* Hi Apostatae sunt, qui ad tempus credunt, & tempore tentationis deficiunt, Luc. 8. v. 23. 2. Pet. 2.v. 20. Hos abominatur Deus. Ideo Judæi nullis pescibus velci concessit, nisi haberent pinnulas & squamas, Levit. 11.v. 9.

*Quod mystice intelligendum est.*

*Squama sunt imago fidei.* Quicmadmodum enim pisces squamis se tinentur: sic & fides optimum nostrum propugnaculum est, & victoria quæ mundum vincit, 1. Joh. 5. v. 4. *Pinnæ* vero significant *orationem* & *spem.* Velut enim pisces pinnis se in superiora elevant: sic & oratio nostra adsurgit ad cœlum, Sir. 35.v. 21. Idem & spes facit, quæ non confundit, Rom. 5.v. 4. Thren. 3.v. 26.

2. *Pescatores*, qui variis instrumentis, utpote hamo, nassis, sagena & reticulis utuntur, ut & cibo conveniente, quo pisces inescantur. Sic & Ministri Ecclesiæ geminum rete adhibent, legem nimirum, & Evangelium. Lege terrent conscientias, Evangelio vero rufus alliciunt, quos terroruerunt, & ita lac & cibum solidum ministrant, Hebr. 5.v. 12. Quatenus auditorum saluti inservire posse, deprehendunt, unde Paulus: Omnibus omnia factus

factus sum, ut omnino aliquos facherem salvos, 1. Cor. 9. v. 22.

Piscatores habent *piscinas suas*, in quibus captos tamdiu servant, & cibant, dum ad usum adhibeantur. Sic & praëcones & verbi ministri spiritualem suam piscinam habent: quæ est Ecclesia, in quam statim per baptismum suscipimus, & conveniente animæ cibo affatim reficimur, dum nos Christus è terrena hac militantis Ecclesie piscina in cœlestem Hierusalem introducat.

Quemadmodum enim *pisces boni magni estimantur*, & non facile in casis rusticorum: sed in magnatum mensis apponuntur, & comeduntur: mali vero abiciuntur, Matth. 15. v. 48. Sic in consummatione seculi exhibunt angelii, & separabunt malos

de medio iustorum pisces malos abjicient, ut abominatio sint omni carni, Esa. 66. v. ult. Bonos vero servabunt ad cœnam magnam ubi cum Abraham, Isaac & Jacob in regno cœlorum accumbemus, Matth. 8, 11. Tum apparebit quid sit, inter pisces bonos & malos, inter servientem Deo, & non servientem ei, Malach. 3, vers. ult. Impios enim Dominus à se ablegabit in ignem aeternum, qui paratus est diabolo & angelis ejus: Justos vero introducet in vitam aeternam, Matth. 25. v. ult. ubi abundantia gaudiorum cum vultu ejus, & delicatione in dextera ejus usque in aeternum, Psal. 16. v. ult.

Largiatur id nobis Deus triunus per Christum Servatorem nostrum  
Amen.

## In die festo B. Thomæ Apostoli.

*Evangelium, Ioh. 20. v. 24. -- 29.*

### EXORDIUM.

**C**um Naas Ammonites castra metatus esset, adversus oppidum Israeliticum, quod vocatur Jabel-Galaad: cives ejusdem civitatis illi se dedere & servire voluerunt. Et respondebat ad eos Naas Ammonites: In hoc feriam vobis secundum foedus, ut eruam omnium vestrum oculos dextrorū, ponamus hoc opprobrium in universo Israel. Misericorditer ergo cives ad Regem Saul, ut succurreret sibi. Qui convocato populo Israelitico, ad intercessionem percussum Ammonitas; reliqui autem

dispersi sunt ita, ut non resinerentur in eis duo pariter, 1. Sam. 11. v. 1. seqq.

*Hec mysticè interpretabimur.*

Creavit Deus hominem ad imaginem suam, & duobus oculis ornavit, quibus mundum contemplari potest: sed & duos internos oculos eidem dedit, nempe oculum rationis, & oculum fidei: altero, quæ ad hanc terrenam vitam: altero, quæ ad aeternam vitam spectant, conspicit. Oculus rationis in divinis claudendus: oculus vero fidei apertus est, & Christum contueri, ejusque bene-